

張文定公環碧堂集

張文定公環碧堂集卷之十

祭文

祭太子太保南京兵部尚書鳳山秦公文

登秣陵以南眺兮見錫山之龍嵒悵碩人之遐躋兮天
曠曠其霾風毓粹靈以閎傑兮允一代之人龍翻藻揚
雲之墨沼兮吐葩江淹之筆鋒肆振聲於兩都兮扈瓊
芳以顒顒河洛淑其型冶兮齊魯怙以帡幪撫荆邦之
瘡痍兮切在躬之痠痼殫三苗而激九溪兮弭引江漢
俱朝宗陟銓衡而統泝兮展經濟於司農歷五曹以炳

勳兮

春平方隆而肅命乎留鑰兮名與秩乎彌寧焯幾先
勇退兮朝紳翕奏其膚功終浩然其不可挽兮振林
之清風躋大耄而樂康兮遠邇翹睚乎岱崧溘乘化
彌性兮罄朝壘以悲恫昔予童學湖南兮被德音之
渢實多方以引掖兮曾不鄙其孱庸竟附垂天之大
弓以籬鷁而霄翺奉耄親以南遷兮猶誤嶻嶭乎遺蹤
屏翹縷於書劄兮欣起居之屢通方負牆之圖再兮豈
期永隔乎音容雲愁結而不解兮霰雪日夜其冥濛擷
溪毛而致奠兮欲邇流而無從視天其茫茫兮羌誰信
此孤忠獨擁懷而不紓兮溟予涕之霑霄嗚呼哀哉

祭翟太夫人文

於戲國膺純祐世產名賢賢豪特起厥有攸先譬彼夜
光出于深淵土膏以沃厥植茂焉維太夫人孝敬慈良
寔貞寔安應坤無彊篤生曰輔令德令望運杓綸閣覃
元裔荒敷賁貞

天封章頻錫凡三十年翟冠鼎食率惟溫恭訓以清白
翼翼儉勤罔渝素昔既綏眉壽亦介繁祉咲弄孫曾舍
懼沒齒于儕謏劣辱交令子薰德有年夙欽訓旨間關
嶺嶠萬里朝京登堂愴惻莫挽儀刑永懷幽淑實係
隆興玄堂將即瞻慕曷勝燕山栽燕雲冥冥澗蘋溪

藻祗薦清馨

祭翟夫人文

京邑秀英靈宗清淑師氏夙閑闈儀稔熟來歸德門口
嬪鉅公相惟一德于始于終公在詞垣率惟素履夫人
于時朕疎茹非佐王之業華國之章實養自中四海是
望公躋政府熠燿勲德夫人于時小心翼翼入廟蒸嘗
升堂甘旨佐厥義方以勗孫子公罔內顧令音不瑕允
維懿德宜國宜家鶴錦翟衣及艾斯逝上聞
天子錫乃塋祭公復榮津朝野胥慶賁耀泉臺曷其有
竟某等早辱公知企德有嚴祗薦春韭以詠幽潛

祭歐太夫人文

嗚呼觀瑞羽者靈其穴探朝彩者珍其淵矧粹然而球
琳瑩燁然而雲霞騫或麗于天或施于田或近灼于京
闕或遙被乎海堦是豈惟尋常之儲畜安得不望流而
源矧輓車之勤嗣葛覃之無斃丸膽之訓佐義方以
庚宜其錦諧沐

入朝之優渥鼎食備大官之醲鮮偕封君以康樂怡然
至邁乎稀年處人生之極休膺百祿之具全視今世其
幾何亦奚憾乎重泉養方隆而忽棄

息鼎來而遽捐邦家之楨暫摧於今日閨闔之琛長逝

而莫旋予儕所以聞計而心盡臨喪而涕漣蓋深爲天下惜而豈徒以令子之官聯也靚杪秋之寥沅山歷歷以綿連望西江而薄奠庶雲輶之翩翩

代祭戶部侍郎顧公文

於乎運之將隆賢良彙出公寔挺生重熙之日簡重以威膺哲以密懋厥勲聲以未終吉始仕秋曹三德允彰乃秉憲節蠶鳧之鄉是糾是察是激是揚威撻振厲秋杪飛霜

帝嘉曰才擢貳廷尉叅覈封駁日勤山慰爰陟中臺靖茲海內芟夷稂莠嘉穀乃遂士承其德國倚其忠爰司

國計天眷日隆謂濟鼎輔竟厥崇庸先幾獨炳靈以潛
蹤厥蹤雖潛聲光日烈誰則如公完名全節淮海壺觴
琅瑯風月壽考以終委慶來哲公慎許可接物靡輕念
昔寒微乃辱垂情期予寔遠誨言孔明計聞南楚盡焉
內驚將赴神都道經桑梓儀容迥違德音在耳寒雲既
同北風淒矣哀薦江離神其歆止

代祭少司馬熊公文

衡惟南嶽西枕寔雄維獄降靈生此熊公公生南服卓
矣其異挾負瑰竒洵厚且智律身孔嚴中也愷悌曰仕
爲民豈繫爲己民之飽矣我食寧非民之煖矣我衣寧

敝出職旬宣入司風紀錫厥庶民以繁厥祉旣陟司馬
益殫厥誠敢曰無虞媿以求寧對揚

先烈詰爾戎兵功在朝野於赫厥聲寸雲掩日狐鼠肆
志飄然南歸孰返其旆伊疇如公完名全節百世清風
曷其衰歇公旣純嘏以彌爾性永即幽泉名聲日盛維
予緬邈維公之思傾懷有日覲德無期有歆在俎有酒
盈觴江山迢迢我心曷將維誠格遐匪遐伊邇維神格
誠聿來歆止

祭徐後齋少司空文

金星注彩婺祗發祥挺生茂碩式卜隆康抱冲履素茹

藻摘章策名

大廷爰試爰敷燕薊吳楚滇南貴陽中臺出撫河洛鄭
襄穆爾聲色時哉翕張以經以緯以柔以剛靡施弗宜
採此萬邦如彼膏雲有臨必滂如彼蕙蘭有採必芳爰
貳司空日崇令望宅憂南土哀毀踰常計音聿聞

天子震傷錫之祭塋於休有光諸子秀發振聲膠庠濟
濟諸孫鵠峙鸞翔維公考終純嘏以臧予儕戚咨失此
懿龐

王事靡盬孰賛以襄各纓官守于天一方允懷德誼遙
致椒漿靈巖出雲載飛載揚瞻望弗及潛焉霑裳神昭

不沫尚其鑒享

祭少司空親家李董山先生文

嗚呼蚤慧成名英猷著志遜于成功亦躋膺仕鼎禹跼
居羣陰蔽蒞公曰何傷飄焉謝事經綸寓正學之編而
勵俗有文獻之志賢嗣式承表厥器藝詵詵蘭堦鸞停
鵠峙集人世之所榮總百祿而無愧亦何必乞身後之
恩爲肉眼之責耶藐藐葭莩夙承高誼謂公文章終宜
濟世胡蒼生之弗祿而東山不可復冀矣聞駕靈輶盡
焉隕涕瞻拜重帟詞以爲誄

祭東泉姚司馬先生文

萃南鎮之雄峙兮布江山之陸離委靈秀於碩人兮佩
月露而乘雲霓身方處乎黌校兮而文先傳乎京邑策
大廷入儀曹兮藹羣衆之雲集聞說詩以解頤兮戶常
滿夫屨也爰視學於南粵兮咸以納吾矩也肆旬宣於
甸服兮澤卒覃乎居圉總內臺以揚厲兮時嚴霜以膏
雨出入中外兮征營南北宣力殫忠兮焯矣成績孰期
夫皖皖之璠璣兮而青蠅變夫白黑望東山而拂衣兮
見六月之鵬息膺

眷命而復起兮功燁赫乎華夷遽抗疏以東歸兮日林
臯之愉怡倚令子之瓌特兮紹家學以揚聲擢倫魁躋

王堂兮將翊贊我

皇明孫曾森其並秀兮儼竊侍而鵠峙處百順其奚憂
兮邁稀齡其焉愧謂

寵榮之鼎來兮胡溘焉而長逝揭勲聲于海宇兮曾未
殫其蘊也極祿秩于人臣兮亦未償其勤也維厥躬之
弗羸兮固以詒後之人也瞻天末以興懷兮願臨吊而
無門旣淳龐之不可追兮孰澆風之可敦悲學士之毀
瘠兮服苴衰以南奔率詞垣之庶僚兮聊遙薦此清尊
祭黃致齋少宗伯文

嗚呼靖遂天性安舒德容言論秩秩禮度雍雍平生不

見疾言遽容寔徵學力涵養之克起家進士躋于顯崇
翊贊

大禮受知

聖衷方期柄用胡溢而終悲動朝紳徹于

九重有嘉令子痛欲殞躬萬里來奔扶輿以東顧予謫
劣出入于同粵二十載周忤于中一朝求遠孰知我恫
悠悠長川冰消日融歸旆翩翩欲輓曷從薄奠卮酒後
其邇風

祭公都憲文

肅

帝命於湖湘兮撫烝黔以傷心值乾行之多沴兮泛江
川之滔滔躬夙夜以焦勞兮猶未知其所任鄖山疊以
龍嵒兮維川陝之喉襟編連流以奠居兮糾紛綸之誰
禁鬱岷峨之豐隆兮捲霈澤以來臨顧西園而有怙兮
愜予衷之日深曰予疇昔企懷兮著稜稜之風節太阿
始發矚兮淬銛鋒之如雪或流光之燁赫兮條風行而
電掣或騰聲若雷霆兮山砢錡其欲裂肆所指之辟易
兮寧畏夫根盤而縷結胡排擊之方利兮遽以聞其折
缺豈鄖民之不造兮澤將流而遂遏蹇瘠土之多屯兮
天又奪其恃也軫予懷之未艾兮又誰爲之飲也睇雲

山之萬重兮，想杳杳其逝也。擘江離以延佇兮，孰知予之思也。

祭房憲副文

嗚呼！士之生而無益於世，雖其身康樂以終，猶虛生也。能無憾於中乎？若夫毓德之完，遭祐之薄，如房公者，固天道有僭，人情之所深悲。然於公心，非所以爲憾也。吾嘗謂公如蒼松翠竹，脩然塵外，風嚴雪厲，果植皆落，而勁節竄萎，獨壯丘壑。及霧散烟銷，風恬日熙，固不必爭妍鬪艷，而森秀鬱然，滌煩醒醉，嗚呼！今不復見斯容乎？吾不知造物者其何以爲心邪？旣蓄其年，又斬其後旅。

櫬脩然鄉山千里內無肺附之親而外無薰葭之托蓋
所積如彼所遭如此行道聞之無不傷惜天道福善果
安在耶然而德成於身澤覃於民風節勵於無窮視彼
生無益而死無聞者雖幸而弗祿壽康能幾何時公之
得於天者未爲非厚其奚以爲憾也某等忝職同寅夙
歆高義方期澄清一方以及天下而遽至此極天乎悲
哉衣衾棺槨旣躬旣親勿之有悔茲將返櫬東魯永奠
幽居瞻望一方豈勝悲愴謹致薄奠哭拜帝前而脩之
以辭英靈不沫其亦有慰於斯言也乎

祭封太安人程氏文

於乎古有淑德曰桓少君敦行婦道百世攸聞惟太安人克敬克勤相厥夫子光于後昆古有嘉言谷風之詩凡民有喪匍匐救之惟太安人實仁實慈德孚宗鄰恩迨輶嫠古有田母教存義方稷子式遵于齊有光惟太安人就養宜陽秩秩誨言德音不忘祿養方嘉

恩封載錫榮壽並臻維天祐德有睨霞帔垂光北堂云胡一疾溘焉以亡某等託交賢嗣風欽令儀聞茲哀計中心孔悲生阻登堂死違執紼瞻望天南神飈氣鬱金子南奔將我絮酒敬奠陳辭靈其知否

祭封安人錢氏文

於乎昔先甫之精藻鑑也識儀制君於垂貂之日字
之安人安人歸劉未幾而儀制君成進士官祠部遂以
膺褒錫之章爲閭閻之勸可謂獲厥配矣已而儀制君
德業日益脩名譽日益振是維安人克相夫子而益彰
先甫之明可不謂賢孝矣乎謂宜純嘏爾常存膺封誥
用昭勸于無窮曾未中年乃溘焉而長逝豈不悲夫使
鄉邦莫以爲勸而儀制君中贊之力無所於賴兀我姻
戚交游之屬孰能無慨然也邪夫澗藻溪芹質柔易萎
而潔清芳馨爲世所尚謹用采而奠之柩前淑靈不昧
其降歆哉

祭封春坊右諭德豐公文

於乎悲乎大化之移倏忽成變而日以不逮頽夷至于
今世而有若公者生乎其間負剛毅之性稟嚴正之氣
作事必則夫前脩跬步不愆乎矩矱是固足以簞室雕
浮支障頽靡而卒亦乘化以去莫可愬留斯固可悲之
大者也夫古之有今生之有死猶夜旦之常傷慨何益
况公席累葉休光遺厥後人輝赫瑰奇爲世歆艷當其
授老園田再膺

封誥撫東湖之勝槩優游怡愉以躋于耄耄平生所食
蓋已溢箕陳而浮華祝矣是固可以含笑重泉復何悲

耶顧世俗下趨壽張夸麗突梯咕囁罔可視聽雖欲挹
古人風儀已不可得若之何其勿悲也某等生晚猶幸
身挹高風于明山之陽而直接今于于王堂之署平時
企慕又不特尋常知名者而已各纓官守趨拜靡由然
精誠無遠不假而明神無乎不通敢以芳酒溪毛遙薦
靈席之下以寄其悲

祭希純徐公暨配朱氏文

代作

於乎惟生死之猶夜旦蓋自古而迄今胡爲乎公與孺
人之死也獨使予歆歔而不自禁况壽與福其無得子
與孫之爲王而爲金以茲偕老而考終亦復何憾於幽

陰而人顧咨嗟歎慕咸無以異於予之心邪彼世道之
日降澆成風而相煽鬪奢麗而固實悞他人以自便求
其敦朴茂而無華不畔援而歆羨如公與孺人者於今
能幾何見也予季弟之蘿附越二十有五霜固恩私之
重厚被子翼之多方忽相繼以云殂悵無依之狂攘邈
長風而掩汰蟋蟀復鳴此西堂聞夜臺之並即感日月
之載陽薦絮酒而陳辭辭雖短而情長旣時俗之不可
古懷尚情之可忘

祭封大理評事莆田林公文

於手學弗偶一日之逢而

恩沾乎魏闕身不係半通之銅而澤被於他邦足跡不
離乎巖穴而名聞乎列郡交遊不越於鄉閭而聞其死
者或雉噫乎遐荒此公之蓄中達外積厚流光雖欲遏
而不可非有心於歎揚者也嗟吾郡之凋零歲頻饑而
土瘠辱令子之來臨駐豐隆而需澤激渙浚於纖微搏
強徂使衆食聞公德之令純遺訓言之惻惻曰民可近
而不可下勉嗣端州之清白昔令子之顯融忤權奸而
落職衆方鄙其喪而公獨怡然以爲得也於此見公之
識操爲何如而勗厥後人以遺及於吾土者其誰之力
也今也奄化去而不留獨奈何乎斯人之隄側且哲人

之云殂固吾徒之慨也奪賢侯而去之懼鰥寡之益也
羗顧後以瞻前如遡風之倭也望閩山兮千里思奮飛
而未能想風露之凄其槐鬱鬱乎中庭彼無疆之勲烈
既與槐而俱萌雖音容之日杳猶千載其如生矧精誠
之孚感固罔間於幽明則吾儕所爲呼號而追慕者雖
耿耿乎天末而英靈昭格安知不有以鑒予之中情也
邪

祭方伯楊公文

嗚呼衍汾隅於東甬曠鏡川之汪洋集列宿之晶幾環
雲漢以爭光公華衣而蒞佩叅伯仲以翱翔諦金牛而

游乃括杖經之未嘗衆徑趨以顛欹獨容與平康莊慨
時俗之昌被忽急流乎回航日田園兮嘯咏安孝養之
無方滌冰鑑以自昭雖耄及而弗爽凡聯陰乎桑梓恒
衣被以餘芳頽泰山其何依宜鄉閭之霑霑蔚西川之
一曲森卉木之成行斯令子之規畫而公昔於斯乎倘
徉將靈車之永即感日月之載陽擷溪毛而薦酒儼平
生之豆觴

祭余南湖先生文

膺異數於玄造兮寔恢豁以瑰奇中角邁以遠志兮曰
予賢眊以爲期聯奎壁以爲纓兮履虹霓以爲綦博羅

千古兮精析毫釐奮義若風霆兮疾邪如蛇鷃端矩矱
而不頗兮陋世俗而不爲奉大對於彤墀兮燁文章之
陸離世方艷其儕榮兮而獨歆然其不怡章再上而不
報兮悵平生之弗舒乃乞官於泮黌兮曰惟便吾庭闈
苟予心其修姱以介潔兮孰知夫遠近與崇卑得嶺海
而遂行兮實鎮競以醇漓秉勁挺而不回兮曰吾以激
夫卑阨而喔咿懼百訕其焉惑兮耿劍鋒之差差歷七
載於塗泥兮起納言於京畿過讒說與殄行兮翼風稜
之孰違方大用以爲期兮胡崇陵之忽顛焦予吻以叫
號兮百予方而莫旋惟令名之曰延兮曾不係夫年也

雖諸孤之纍纍兮亦有恃夫天也悲良朋而自殞兮未
有聞於前也想絕俗之高踪兮曰方駕以周旋也亦擬
效夫尺寸兮實倚公之才賢湔舍我以長逝兮追疇昔
之話言雲黯慘以緯繡兮昏渺渺之頽川諒英魂之不
迷兮傷旅櫬之條然感千秋而一慟兮豈予身之私憐
嗚呼哀哉

代祭汪雷峰都憲文

惟公節厲層霄辟太萬仞所過輯綏聞風懷震爲邦家
植秉斯文印曰樞曰衡曰其登進四十九終吁嗟世運
其等辱識平生夙懷龐峻係職留都莫輓歸勒千里緘

詞有哀莫盡

祭汪雷峰都憲文

予辱交於公三十年平生相期相勗於道德於功業豈其止於斯乎而公遽舍我去也嗚呼吾其復誰恃耶與公弱冠登科俱赴會試俱入太學俱出入卧起未嘗見公情容戲言其蘄焉辟太之容不言而使人心憚常謂天實畀我以益友也嗚呼而又胡見奪之亟耶公爲文章意所獨到縱橫峭拔光焰萬丈其太身御政率如其文時之人非惟不得而知甚或至於不能堪則謂公爲迂爲僻爲傲而予則以爲頽瀾砥柱何可以頃刻無鳴

呼今其復誰賴耶三十年間相離則思相會則歡凡夫六合之內外形氣之分際無始之先無終之後未嘗不恣論極談竟日而不厭通宵而不倦蓋他人莫得而聞焉雖聞亦莫得而喻也而今其已矣嗚呼吾亦何樂於生耶吾自中庸傳成頗自以爲得意而未敢輕以示人竊謂使公見之或有取焉蓋無日不思獻於左右而地遠事煩莫克致之此心猶將有所遲也嗚呼詎意遂爲破琴絕絃之時乎乃今特緘一帙使令嗣輩焚之重齎之下匪我後公惟公去速嗚呼悲夫天宇都憲遣使迎喪尚未得公的報意猶冀公生還而子華通政於公卒

之二十有八日聞公信也一痛輒殞亮已方駕逍遙乎
雲漢之表而予猶忝死在人世也思爲二友闡發平生
以埃於無窮而靜中司寇自燕京書來以墓銘屬我嗚
呼淺薄之德寧知果足爲二公重耶公平生微塵大塊
瞬息千古豈其以短長爲意疾革遺言惟詩書執禮會
無一言及於家事嗚呼公豈今世人物耶宜乎氣數之
不能久扶植也撫櫬未由遙將薄奠瞻望雷山肝腸悽
裂

祭唐司寇夫人文

嗚呼璧琮有藉堂構有趾遠大之業厥有攸始有嚴溫

恭實維女士相司寇公垂三十祀烈烈勲聲華夷綏祉
夙夜兢兢誨育諸子爲琳爲琅駢輝趾美謂天作合卒
贊崇偉胡不艾耆中道而止某等辱愛于公亦越三紀
夙聞令德閨儀雍只今也云亡椅桐蹶矣嗟嗟人世事
亦多疚同榜九十存維三爾曰篤通家曷其邁此朔風
淒淒浮陰瀰瀰永懷幽馨敬薦芳芷

祭王定齋都憲文

嗚呼吾嘗悲夫昌黎子之言也惟知心之難得斯百一
而爲收以予謫陋誤辱公知盍收之千一萬一而今又
舍我去矣將窶途孰與翱翔而林泉孰與游處吾固以

悲吾生之不遇也公教歷中外垂三十年雖所在著聲
績而平生涵蘊宜未止此乃以纖微註誤一蹶弗起天
下其焉所恃耶吾又以悲天下之人之不遇也世方樂
狂醒而才鬼蜮英毅磊落如公宜人情之不相入而氣
數之不能復培也則公之生明盛而不終遇也亦誰實
爲之耶雪竇聲咽金莪色淒緘詞千里孰知我悲嗚呼
哀哉

祭宮詹陸儼山先生文

嗚呼長熙積洽文運滋昌溟海嘯秀吳淞發祥公姿王
大氣薄穹蒼懸河辯議鉤玄析芒邁古文詞天葩日章

乘輿伸紙瞻視鍾王蚤冠京闈躋身玉堂驚驚層霄卿
雲與翔乃陟司成式敷典常尊席講筵圓橋冠裳別涇
者渭劇目維銚攸忌攸集言遜于荒八閩溪壑聊以徇
徻荆吳化雨巴蜀甘棠曰千葵若隨在傾陽

天子曰咨舊學可忘召還禁掖以慰多方璫空奎壁金
薤琳琅衆方拭目爲龍爲光炳幾先退黃浦之陽花下
小車賓筵巨觴雲飛川沫其樂洋洋東山載起蒼生日
望胡爲一疾溘焉以亡奇叨依玉樹末扈璫芳計傳白
下中心盡傷言擷溪毛道遠于前秋風瑟瑟天宇茫茫
嗚呼哀哉

祭封都憲碧洲陸公暨配泚人楊氏文

東大洋之浩漾兮，滙爲鄞之月湖。涵景光而毓秀兮，挺
碩人之魁梧。下鷺車于海嶠兮，名聲籍甚乎京都。忽韞
櫝以自珍兮，蟪珠壅而日耀。授諸子以宿學兮，紛並陟
乎華要。文章猷略競以奮興兮，咸以熙夫造也。苟予澤
其汪濊以四達兮，又孰踰吾好也。坤裳燁以承乾兮，秉
貞淳以贊公。極人生之備福兮，偕耄耄而考終。生旣疊
膺乎封典兮，沒將沐寵于無窮。海內方咨啓居兮，士林
咸仰夫休風。矧鄉邦之知厚兮，其孰能聞計而無恫望。
越山而掩涕兮，欲臨吊而靡從。邇緒風以緘詞兮，悲慘

淡之秋容

祭旌表貞節封太淑人謝母陸氏文

夙秉貞嚴峻太閨臬六十八載僚悞冰雪巍巍相門皖
皖全節範我鄉邦於休有烈秩秩慈訓少宰式承受知
天子庶幾台衡乃安色養百祿是膺大耋告徂不磨今
名游被

寵封載旌宅里閨闈殊榮生旣兼止曰祭曰蒸錙楮之
賜

明廷特恩歿又誰似耿予鄉末風操夙懷少宰同朝登
堂或傳發墮溟

恩輝泉臺敬薦卮酒述此榮哀

祭孫敏中文

於乎竊常博觀乎天下惟令德之難冀端慤者或苦其
拘牽敏慧者或病於矯厲若吾子之爲人蓋粹乎其無
以議也貌欽恪而雍容性冲夷而樂易人徒見其曾次
之無疵溫醇之外著耳然而完邑休風宜陽善治聲名
不振於方臨民物恒懷於旣去已而最績銓衡秋曹歷
試叅酌必中其機排擊必觀其會恢恢乎游刃大輒之
間而恒有餘地此其才又有過人者而人鮮能窺其際
也謂華要之遂躋振偉烈于無旣曾綠髮之未艾乃溘

焉而長逝於乎悲哉彼造化之予奪亦莫知其所爲胡
昇以有爲之具而弗竟其施胡鑒彼可福之質而弗克
于晚豈氣有適丁其衰而數有獨逢其奇若是者雖鬼
神亦莫之能爲耶於乎悲哉顧鄉邦之厚好辱疇昔以
相知慨淳風之日喪鮮不激而不隨望靈輜而薄奠思
令德之難追其所爲號呼而悼慕者亦豈徒爲鄉曲之
私邪

代祭封宜人徐氏文

少宰之德雅靖溫文友我惠我式好以惇中贊之賢我
昔攸聞宜慈懿則克嗣良門節孝之性形于毀齒誨子

之言發于濱死其事厥夫敬如賓族其事厥姑惟如
予我觀少宰自擢倫魁以躋膺仕二紀于茲屋不易楹
聿無餘貲寔維宜人克相成之曰旣猶勝書生之時素
德清風宜在高佐興我後人節義廉退怙侈之徒相顧
增媿孰居閨中風動海內邦家將隆宰臣獲配配殞其
良婺晦其光宰臣孔傷華表銘章銘章匪私潛德之光
于以藏之王皇之蒼後千百年令音不忘某也聞計願
馳京師慰我少宰哭此令儀願言不獲邇風妻其旅櫬
南旋卜塋有期遙薦牲醴敬祖饗

張文定公環碧堂集卷之十

張文定公環碧堂集卷之十一

祭文

祭應天府府丞張公文

惟公敦龐博雅偉貌雄文掉鞅詞囿衆莫敢倫行咏
炳由慰日勤我心克慰罔寃於民晚達早退厥施未究
亭漫涵蓄滙爲其後厥後孔賢寔穎寔茂邦家之禎下
民是庥公卷而懷彌壽以康黃龍之浦容與徜徉封章
載錫於赫其光耄及彌智純嘏爾常某等夙偕令子寅
恭

王事最績天曹除書鼎至公弗憖留溘矣其逝聞計傷

懷潛焉達涕音容未違企德曷已楚水之濱言采其芷
躬薦靡由緘詞千里吳山蒼蒼江水瀾瀾

祭文都閫文

於乎容儀雅飭中蘊謀猷古稱儒將庶矣其流振武維
揚馳聲上國帝嘉厥才載膺推轂湯湯江漢幅幘千里
奉

命來斯荆邦咸喜曾不再替奄忽而忘顧茲疆圉孰守
以防喪車在途霰雪其濛薄薦腥腥昭庶鑒我衷

祭徐都閫文

嗟嗟徐君而止於斯韜略中涵弗立足厥施居圉卒荒狼

狝時起予在一方豪曹是倚年未及耆修焉告終關河
阻脩旅魂胡從壯士矢心葬以馬革薦酒陳辭慰爾忠
赤

代祭四川劉夫人文

稟淋靈以貞則兮徵百福以康身靡踰言于閭閻兮功
陰被乎吾人相靈修以翊奮兮鋒稜稜其日淬昌風議
以補袞兮芳烈烈其不沫邦家孰其建保兮萃當朝之
秩宗寔寅清以直正兮神與人之協從相藩臬而歷試
兮澤汪濊以淋漓將崇階之峻陟兮見華萼之相輝昔
思齊之啓聖兮宅屢徙而成賢佐義方之孔劬兮昌子

姓之宜然矧階蘭之燁燁兮咸丕嗣乎休光固淑德之
深培兮爛昭昭其未央沐恩波以樂康兮亦既躋乎耄
耄與化去之胡憾兮顧聞者之悲咽目聲華之燁赫兮
寧勿思其自也矧懿則之不復兮又孔傷吾志也采沅
湘之芳芷兮望巴江之悠悠庶一掬之清馨兮或潛格
乎冥幽

祭楊公文

於平行能範俗道可經邦櫝珍弗售於岳之陽維岳嵬
嵬峙彼湖湘公德侶之令聞令望玄機中閱悟彼谷神
不吳不揚以保其真時莫予求鬱而未伸渟蓄涵蘊其

也孔神翼翼令子言泐公教抗言回天舉趾成效維公
之忠繫子之孝豈必自躬勲聲日邵炎光閔景鬼魅騰
觸如負千鈞焦原側足衆人傍觀惴惴于毒公率素履
超然禍福靈陰旣除

恩光逕迤鳳凰于飛一舉千里秉國之鈞維其邇矣人
謂斯何公不色喜公德公壽福亦旣同胡其逝矣我心
忡忡辱知令子夙欽高風來吏公土擬覲儀容溢焉長
辭未隔重陸往者孰旋有淚盈掬沅芷澧蘭公德之馥
敬薦靈輶庶鑒衷曲

祭推官唐公文

望龍山之崇崇兮鬱烟嵐之相繆聞哲人之云邁兮泚
清湘之無由越千里以寄聲兮悵予衷之悠悠惟豸史
之清德兮睇三江而攬轡轡節朝甫臨兮豺狼夕以避
呼蜚廉使滌塵兮命豐隆使騰霄邇厥功之焉由兮云
庭誨之自昔義方灼其有徵兮其緬懷乎令德扈瓊芳
之懿純兮陟千仞以騰聲忽俯睨乎滇南兮徵澳恣而
遂澄謂厚蓄其覃敷兮胡中道而奄棄悲旅櫬之無依
兮歷萬山之迢遞雲漠漠以翳空兮日慘慘其無色風
淒淒其僚悵兮雨淫淫其無極焚絮酒以遙薦兮味酷
烈而猶芳誠無遠而不格兮雖緬邈其何傷

祭外祖沈公文

維公承簪纓之舊族襲禮樂之遺芳完天性之敦茂寔
破觚而剏方寧食非而衣敝知伎求之匪臧苟於物之
有濟絕吾粒其奚傷此公之弗羸厥躬而鬱積磅礴勢
必有所寄焉而昌者也以邦奇之孱劣亦得以與聞遺
教于先王審去就之所宜董予轡于周行夫庸知非我
公之德陰啓而默相者耶輟栢臺之揚厲返琴書乎湖
湘覩一杯之岑寂經宿草之載黃念歷官十有五年而
竟無補於外家之荒涼彼仲淹其何人豈無志以承芳
顧遭逢之弗類徒怛焉而皇皇思音容之日杳瞻遺澤

於河梁采蘋繁之非時愧無羞之可將羔會不能掩豆
酒芬欣而盈觴庶明神之降監知予衷之孔臧

代祭鄭大尹文

維先大叅旬宣克愆公席其遺允矣淳懿泰安之墟馬
政攸寄二竹奏功比隆汧渭乃陟海豐繁以簡禦愷悌
宜民以安一惠公旣解組予亦投簪姻盟爰締交誼彌
涖溪山一水每接徽音龍蛇直歲允傷我心若堂將封
夷雲歡吟三爵公之酒有涕沾襟

祭周少叅文

於乎哀哉予非悲乎夜旦之常而公之存亡自足爲方

今之輕重蓋天挺之豪才隨所施而適用爲崐山片珍
爲朝陽鳴鳳臨太艱而視若鴻毛御泛駕而周於磬控
慨干將之易摧見激湍之遽壅瞰慈湖之澄波言卒歲
以遊詠坐花竹之清幽暢風月之吟弄張而不見其矜
弛而不覺其綴見善必極於揄揚疾惡常止于微諷是
宜親厚者伏其德義而踈遠之士聞風而歆動也惟平
生之達觀視生死猶幻夢况令子之顯融迥天門之能
徃紛總總其多材將爲梁而爲棟曰福壽之旣偕亦曷
爲乎悲痛於乎哀哉鳴鳥不聞于高岡林泉誰與兮觴
詠矧葭莩之久依實異姓之昆仲恩浹我兒僮慮周我

家術見顛危而必扶視休戚之如共遽舍我而何之予
安得而無慟也邪雲黯黯兮飛鳧祖靈輻以長送公睠
我乎不忘庶微衷之可貢

代祭憲副張仲明先生文

於乎白璧不必澡而潔鉛刀不可淬而利惟人世之百
年徵辭受與進退精金之不可蝕冰蘖之不可摧旣鍾
英之特異宜百挫而不回繫棟柱之幽幽覺貞心之獨
苦室濯濯以焉遺惟清風之不腐予惟魯而無能辱左
右以提携將荆榛之掩玉痛葭草之何依采溪毛而薦
馨清比乎首陽之微惟素德之斯類庶神明之不違

祭封孺人徐氏文

夫圭琮璧璜薦于

朝廷交于賓旅以光於邦家必有所籍而行焉若吾友
子華憲副脩行于家顯名于國敷政教于南邦得喪不
以累其心柔堅不以變其節而卒完其名非孺人中贊
之力歟某誤承交游之末枉雜佩之問非一朝于茲矣
今也良友失賢內助得無悲乎皎皎白璧將委荒原敬
薦卮酒陰風載寒

又代作

於乎貞肅之風由內以達外孝慈之德上行而下從惟

履素於農桑絕希冀於顯融祀先而承嘗必潔裕後而
禮教惟崇方熙熙以嘉慶胡相繼而告終某也以倚王
之葭莩藉餘輝於無窮杳雲輶之何歸日徙倚以忡忡
將俱即乎玄堂慘白楊之緒風薦清觴以陳辭靈連蜷
而來同

祭封翰林編修余公文

於乎哀哉胡我公之就養京師也而適遭平世事之多
屯當冱寒而播粵及酷暑而歸鄣蓋從容於鼎餗者幾
何而勞頓疲羸以至干今也於乎天哉惟今子之居禁
近旣每悸乎風塵食舊則尸素奚適今暈則滌灑無因

厚又安得而肝吾衡耶屬春光之云暮仰天宇其冥其
薦絮酒而陳詞渙予涕之交零

祭憲副王質夫先生文

嗚呼卓偉之器英邁之風強仕南嶠聲勲日崇同官西
蜀曰協子恭王事靡盬遽殲爾躬孤兒十齡鄉關萬里
烟樹蕭蕭秋江瀰瀰維附于身暨周于族僚寔具在亦
庶詳止悠悠宇內疇哉末存心苟不愆短長曷論有殺
在俎有酒盈鐏敬薦馨辭慰茲淋臧

代祭王古南太中文

惟公古貌如心今儀卒度發爲文詞言絢其素凜凜秋

曹式騰英輿五過是獨單辭罔措
竹江洲克展克布
非度來斯民怨
煮阿武去矣人有遺慕飄然鄉山徐
言矩步後學承風
煥如昭雖則云殂流芳載路丹木
妻妻陰雲若數
如馬車來即墟墓予儕小子慨如失
怙敬薦溪毛薄展哀悰

祭耿太安人文

惟靈毓秀名族儷德賢良中贊有方千里播棠陰之誅
母儀克肅鸞車飛秋杪之霜龍章賁赫昇食榮康遐壽
考終既嘉既殯云胡婺方隕於皖城之陰而人共咨於
明山之陽耶以令子之英特辱臨湛乎海邦允優優以

敷政實克柔而克剛曰訓慈之惟素宜吾人之不忘邇
江介之緒風鬱雲山之蒼蒼卒升堂其焉自擷江離而
薦芳

祭外姑汪孺人文

嗚呼昔承高誼不廢庸樗納采就塾之先委禽偕計之
餘爰聆德音爰瞻令模越四十有五年荷屬念之懃劬
燕京吳苑蜀道荆墟或遇慶而怡懌或聞戚而悲歎感
人生之多故慨莫挽乎居諸嗚呼哀哉夙夜鷄鳴之驚
親交雜佩之將縞綦無改於崇貴婉婉克盡於姑嫜茲
固所申受於結縭而素淑乎諼堂者也則不肖之早叨

甲第海忝

恩光由弱冠而白首庶幾乎大節之不傷夫孰非太孺人之遺也而詎敢忘耶曩聞嬰疾千里皇皇適罹家艱苴裹故鄉匍匐就訣有淚盈眶嗚呼哀哉蕭騷風木悵悵米霜言卽玄室甕甕簪衡以及免垆于建之陽念往事之悠悠殷百感之攘攘敷哀哀而舉七見明神之洋洋嗚呼哀哉

祭封徵仕郎禮科給事中楊公文

於乎學弗偶一日之逢而

恩霑乎魏闕身不係半通之銅而功著乎朝廊足跡不

離乎巖穴而名聞乎霄漢交游不出乎鄉邑而薦紳之士咸爲之慕其生而悲其亡此公之積中發外德厚流光雖欲遏而不可而非有心於簞揚者也泊虛靜以無爲中淵然其獨識紛世故之旁通外循循其自默寧瘖已以聵人謂天道之罔忒超利祿其若遺屯厥躬之肥澤曰予子之英秀而端明夫固足以振予先之休德果培風於南溟盱冥霄而振翮抗忠言於

九重聲彌章而赫英旣揚厲以崢嶸忤權奸而落職擦虎首以日危貼焦原之莫測衆方恤其艱而公獨怡然若爲得也於此見公之志識爲何如而勗厥後人以裨

補於今日者其誰之力也果復起而無尤終崇階之峻
陟則公所謂天道者於是乎益徵而禍福榮辱代乎吾
前果奚足為欣戚也今也奄化去而不留獨奈何乎吾
人之排側肅

王命於湖湘訪蠟林之逸迹挹令儀之無由聆嘉言之
莫獲欲遡澧以求之形杳杳其日邈然而其忘者公之
身而不忘者公之德固明靈之在茲其有以鑒予儕之
衷臆也耶

祭少參袁公文

渡西江之悠悠兮睇松楸之森森云碩人之永歸兮悵

忼忼之誰禁言與行之不違兮情與誼之無至通玄微
於毛鄭兮播芳馨於髦士輸忠勤以爲國兮新堂構以
亢宗曰夙志之旣酬兮返林壑乎從容開方塘而灌竹
兮斲雲根而蒔松集親朋以觴詠兮巧言笑之雍雍屢
更僕而不休兮超弄月以吟風森子姓之蒲堂兮列朝
陽之椅桐爲清廟之琴瑟兮將遜取於宗工固福履之
云脩兮亦何憾乎長終顧葭葦之世倚兮綴姻婣之重
重叙舊好其何人兮含新悲之無窮奠枌槩而控詞兮
慘沉寥之長空靈連蜷而若歆兮其鑒予之微衷

祭陳翁文

代作

嗚呼性淳而直質溫而良丘園肥遯鹿門之麗隆山之
下叢桂脩篁賓朋萃止容與徜徉門庭肅雍寔徵義方
宜爾後昆日繁以昌予承眷厚念德不忘溘其逝矣我
心孔傷溪梅縞夜凍栢晞陽崇肉于俎載酒于觴音容
何在悵矣升堂靈乎不昧瞻言來嘗

代良甫祭外姑表孺人文

嗚呼燁華宗之毓秀閱高門之千嬪蠲蒸嘗而孝享恒
錡缶之躬親隆敬愛於姑嫜致甘旨以晨昏音聲不踰
於閭閻而德惠旁及於姻鄰耿予躬之謗劣愧葭莩之
倚珍承令儀之姪媿瞻德容之溫溫曾日月之幾何而

寶葵已爲之沉淪矣時坎廩以妻切景蕭慘而傷神思
酬恩其何地空總麻之在身聞靈輶之旣駕心軫結以
奚伸敬陳詞而薦酒渙予涕之霑巾

祭月湖陸親家文

惟靈忠敬而慤簡質而文酢世惟義飭躬以勤燁燁華
閔循循德門篤素弗愆用協令聞耿予肺附歲亦周紀
惠我孔殷敷章錫美謂公純德宜永繁祉乃溘而徂予
將疇倚瀾瀾湖水悠悠我懷瞻彼日月曷云其來言薦
觴豆于湖之隈物不輸誠詞不盡哀

代祭丘十孺人文

惟靈媿媿厥儀溫溫厥容產于舊族歸惟碩宗蔗景優
游寔寧以豐愧予謫陋獲戾蒼寧諸孫不造夙邁閔凶
哀我顛連振我阨窮爰暨成立仁慈之功謂膺多祉日
康日隆云胡一疾遽殞厥躬酬德無地抱恨長終蕭慘
霜木嘹唳雲鴻薄祖靈輻俊其邇風

祭寧波府通判朱公文

惟公貞標絕俗古貌如心霈澤明山高風士林溫溫令
子爲球爲琳言及予儕情與日深昔也偕止岬梧之陰
今也留都歡言盍簪公維耄矣不渝令音升堂仰止危
峰十尋大化于徂少微終沉渺渺人世悠悠古今孰殿

淳龐寒風載陰山有槁木隰有枯岑敬薦清醑悲其曷
任

祭大司成葦川陳先生文

萃洲靈于巽隅兮長發祥于勾吳萃賢傑之累奮兮見
先生之英模容儼儼乎泰山兮心杲杲乎白日啓後進
披肺肝兮見側媚如仇疾摘玄奧發天葩兮奄貫經史
乎無遺遂振武於詞林兮扈瓊芳之陸離

先皇焚香中禁兮曰登俊以爲期冰鑑炯其弗沫兮允
得人而事之翼風楞其不利兮固後學之式也肆小子
之有造兮焯成均之績也遵同道而不容與兮曰勁挺

而不爽苟予心其靚謚以修姱兮集猜忮亦何傷抽簪
忽乎故丘兮臨震澤以娛情宏昔人之堂構兮傳後嗣
以芳馨雖大猷之未竟兮亦旣云備福與修齡謝埃壚
以長逝兮復何憾乎幽局顧渺渺之非質兮誤物色于
弱冠歷三紀如一日兮被忠言之渙渙歲冉冉其日逝
兮俗靡靡其日頽感百草之不芳兮惕鷦鷯之鳴悲世
詡詡以相友兮嗟知我其誰也顧八埏以流盼兮將伊
疇乎歸也望吳雲而興喟兮涕淫淫以沾裳既往躅之
不可追兮懷高風之可忘

代祭楊九丈文

何彼警矣伯儕之裔夏屋如岑在水西遊匪直也人優
于駟儔爲復下仁爲鼎從貴靈宗奮庸熠耀其光克順
克比爰恢爰張爰及孫子寔繁以昌允矣彌性展也樂
康予儕瑣尾式相好矣髫髮而皤歡言閭里倏爾何之
臨風四起籲奠壺觴疇哉燕喜

張文定公環碧堂集卷之十一